



Գործ թիվ ԵԴ/3258/02/19

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԵՐԵՎԱՆ ՔԱՂԱՔԻ ԸՆԴՀԱՆՈՒՐ ԻՐԱՎԱՍՈՒԹՅԱՆ ԴԱՏԱՐԱՆԻ
ՈՐՈՇՈՒՄԸ

Դիմումը վարույթ ընդունելու մասին

04.04.2019թ.

ք. Երևան

Երևան քաղաքի ընդհանուր իրավասության դատարանի դատավոր Ռ.Վարդազարյանս, ուսումնասիրելով Լուիզա Գառնիկի Չերքեզյանի դիմումը՝ քաղաքացուն անհայտ բացակայող ճանաչելու պահանջի վերաբերյալ,

Պ Ա Ր Զ Ե Ց Ի

07.02.2019թ. Լուիզա Գառնիկի Չերքեզյանը դիմում է ներկայացրել Դատարան՝ քաղաքացուն անհայտ բացակայող ճանաչելու պահանջի մասին, որը Դատարանի 19.02.2019թ. որոշմամբ վերադարձվել է:

26.03.2019թ., կատարելով համապատասխան ուղղումները, դիմումատուն կրկին դիմում է ներկայացրել Դատարան՝ խնդրելով Սամվել Ֆրունզ Պետրոսյանին/ ծնված 25.03.1973թ. վերջին հայտնի հասցե՝ ք. Երևան, Արաբկիր 51 փողոց, տուն 15/ ճանաչել անհայտ բացակայող:

Համաձայն ՀՀ քաղաքացիական դատավարության օրենսգրքի 125-րդ հոդվածի 1-ին մասի՝ առաջին ստյանի դատարանը վարույթ է ընդունում ներկայացված հայցադիմումը, եթե առկա չեն հայցադիմումի ընդունումը մերժելու կամ այն վերադարձնելու հիմքերը:

Համաձայն ՀՀ քաղաքացիական դատավարության օրենսգրքի 121-րդ հոդվածի 5-րդ մասի՝ դիմումի նկատմամբ տարածվում են հայցադիմումի համար սահմանված պահանջները, եթե այլ բան նախատեսված չէ սույն օրենսգրքով, կամ այլ բան չի բխում համապատասխան վարույթի էությունից:

Դատարանն, ուսումնասիրելով ներկայացված դիմումը, արձանագրում է, որ այն ներկայացվել է ՀՀ քաղաքացիական դատավարության օրենսգրքի 121, 122, 256-258 հոդվածների պահանջների պահպանմամբ:

Դիմումի ընդունումը մերժելու կամ այն վերադարձնելու հիմքեր չկան:

Ղեկավարվելով ՀՀ քաղաքացիական դատավարության օրենսգրքի 121-րդ, 199-200-րդ, 256-258 հոդվածներով՝

Ո Ր Ո Շ Ե Ց Ի

Լուիզա Գառնիկի Չերքեզյանի դիմումը՝ քաղաքացուն անհայտ բացակայող ճանաչելու պահանջի վերաբերյալ, ընդունել վարույթ:

Որոշումն օրինական ուժի մեջ է մտնում ընդունման պահից:

Դատավոր՝

Ռ. Վարդազարյան